



REPUBLIKA E SHQIPÉRISË

KËSHILLI I MINISTRAVE

PROJEKT VENDIM

Nr. _____ Datë _____ 2023

PËR

MIRATIMIN E RREGULLAVE PËR MËNYRËN E ORGANIZIMIT DHE FUNKSIONIMIT, PROGRAMET DHE FINANCIMIN E SHËRBIMIT TË SPECIALIZUAR PËR TË MITURIT NË KONFLIKT ME LIGJIN

Në mbështetje të nenit 100 të Kushtetutës dhe të nenit 84, pika 3 të ligjit nr. 37/2017, datë 30.03.2017 "Kodi i Drejtësisë Penale për të Mitur", me propozim të ministrit të Drejtësisë, Këshilli i Ministrave,

VENDOSI:

KREU I DISPOZITA TË PËRGJITHSHME

Neni 1
Objekti

Objekti i këtij vendimi është miratimi i rregullave për mënyrën e organizimit dhe funksionimit, programeve dhe financimin e institucioneve ose personave juridik të licencuar, për zbatimin e masës së sigurimit të vendosjes në shërbim të specializuar për të miturin në konflikt me ligjin.

KREU II RREGULLAT PËR ORGANIZIMIN E SHËRBIMIT TË SPECIALIZUAR

Neni 2
Organizimi i shërbimeve të specializuara

1. Institucioni ose personi juridik i licencuar i caktuar për zbatimin e masës së sigurimit për vendosjen e të miturit në konflikt me ligjin në një shërbim të specializuar (këtu e në vijim "ofruesi i shërbimit të specializuar për të miturit në konflikt me ligjin")

-- personem ne perputhje me nevojat e
pernuesve te mitur.

2. Ofruesit e shërbimit te specializuar per te miturit ne konflikt me ligjin janë pjesë e shërbimeve te kujdesit shoqëror dhe mund te jenë persona juridikë publikë ose jopublikë.

3. Ne rastin e ofruesit publik, shërbimet e specializuara per te miturit ne konflikt me ligjin realizohen nga organet përgjegjëse per ofrimin e kujdesit shoqëror per te miturit ne Republikën e Shqipërisë ne nivel vendor dhe ne përputhje me ligjislacionin ne fuqi per te drejtat dhe mbrojtjes e fëmijës.

4. Ne rastin e ofruesit jopublik, shërbimet e specializuara, realizohen vetëm nga organe te licencuar edhe per këte qëllim. Licencimi i ofruesve te shërbimeve te specializuara bëhet nga ministria përgjegjëse per çështjet sociale, sipas legjislacionit ne fuqi per licencat, autorizimet dhe lejet ne Republikën e Shqipërisë.

5. Per ofrimin e shërbimeve te specializuara, ofruesit duhet te kenë kapacitetet e nevojshme per ngritjen e grupeve multidisiplinare per evidentimin e nevojave te te miturit dhe hartimin e planit individual te mbikëqyrjes.

6. Institucioni ose personi juridik i licencuar per zbatimin e masës se sigurimit per vendosjen e te miturit ne konflikt me ligjin ne një shërbim te specializuar harton rregulla te brendshme te organizimit dhe funksionimit te shërbimit. Këto rregulla duhet te jenë te shkruara ne një gjuhë te qartë e te lehtë per tu kuptuar dhe te jenë te afishuara ne mjediset ku ofrohet shërbimi i specializuar.

Neni 3 **Shërbimi i specializuar**

1. Me qëllim ofrimin e shërbimit te specializuar, njësitë e vetëqeverisjes vendore, çdo 6 muaj përcjellin pranë ministrisë përgjegjëse per çështjet sociale raportim mbi kapacitetet per ofrimin e shërbimeve te specializuara.

2. Ne rastet kur njësitë e vetëqeverisjes vendore nuk kanë kapacite për ofrimin e shërbimeve te specializuara mund te kontraktojnë subjekte private për ofrimin e shërbimeve te kujdesit shoqëror, me anë te procedurave te prokurimit, ne përputhje me kreun 12 (dymbëdhjetë) te ligjit nr. 162/2020 "Per prokurimin publik".

3. Personat juridikë te licencuar për ofrimin e shërbimeve shoqërore te specializuara mund te kontraktohen vetëm nëse kanë te paktën 5 vite përvojë ne ofrimin e shërbimeve shoqërore per te miturit.

4. Ministria përgjegjëse per çështjet sociale përditëson listën e institucioneve dhe subjekteve te licencuar për ofrimin e shërbimeve shoqërore te specializuara çdo 6 muaj. Lista e institucioneve dhe subjekteve te licencuar u vendoset ne dispozicion gjykatave me qëllim vendosjen e masës se sigurimit.

Neni 4 **Personeli per ofrimin e shërbimit te specializuar**

KONTAKT me ligjin harton përshkrimin e vendeve të punës ku përeaktohen përgjegjësitë, detyrat, arsimimi, kualifikimi.

2. Personeli i ofruesve të shërbimit të specializuar që trajton të miturit duhet të ketë arsim të lartë në fushën përaktëse që përputhet me shërbimet e ofruara duke përfshirë, por pa u kufizuar, arsimin në fushat sociale dhe mjekësore.

2. Në rastin e ofruesve jopublikë, personeli nënshkruan kontratë pune në përputhje me Kodin e Punës. Kontrata e punës përfshin:

- a) përshkrimin e detyrave;
- b) detyrat dhe përgjegjësitë e punonjësit;
- c) marrëdhëniet e varësisë;
- ç) referencat tek rregullorja e brendshme;
- d) kodi i etikës;
- dh) deklaratën e konfidencialitetit, si dhe
- e) çështje të tjera që lidhen me ushtrimin e detyrës.

3. Punonjësi i shërbimit të specializuar për të miturit në konflikt me ligjin, përpëra fillimit të detyrës, i nënshtronet një trajnimi të brendshëm për të kuptuar misionin e ofruesit të shërbimit dhe rolin e tij në ndihmën ndaj përfituesve të mitur.

4. Çdo ofrues shërbimesh për të miturit në konflikt me ligjin duhet të ketë një program trajnimi për punonjësit e tij. Programi i trajnimit duhet të përfshijë të gjithë fushat kryesore të nevojshme të trajnimit, objektivat për secilin sesion dhe mënyrën se si do të ofrohet trajnimi.

4. Personeli i nënshtronet trajnimit të vazhdueshëm profesional gjatë kohës së punësimit në shërbimin e specializuar për të miturit në konflikt me ligjin.

5. Detyrimet e personelit të shërbimit të specializuar për të miturit në konflikt me ligjin ndaj përfituesit afishohen në mjediset e brendshme dhe janë të aksesueshme për të miturit në konflikt me ligjin.

Neni 5 Dokumentimi i shërbimit të ofruar

Ofruesi i shërbimit të specializuar për të miturit në konflikt me ligjin duhet të mbajë dosje individuale për të gjithë personelin e tij. Dosja individuale përmban dokument original ose kopje të njesuar me origjinalin të:

- a) jetëshkrimit;
- b) diplomës të arsimimit të ndjekur;
- c) vërtetimit të gjendjes gjyqësore;
- ç) certifikatës dhe/ose certifikatave profesionale;
- d) rekomandimeve të dhëna nga punëdhënësi dhe/ose punëdhënësit;
- dh) përshkrimit të detyrave;
- e) librezës së punës;
- ë) kontratës së punës,
- f) vlerësimet e performancës,
- g) vërtetimet e mjekësore;

KREU III
RREGULLAT PËR FUNKSIONIMIN E SHËRBIMIT TË SPECIALIZUAR

Neni 6
Ofrimi i shërbimeve të specializuara

1. Vendosja në shërbimin e specializuar për të miturit në konflikt me ligjin caktohet nga gjykata me vendim.
2. Çdo ofrues i shërbimit të specializuar për të miturit në konflikt me ligjin harton një formular përbledhës që përshkruan qartë misionin, objektivat e shërbimit, profilin që ka, shërbimi që ofron, struktura organike për zbatimin e programeve, detyrat dhe detyrimet e stafit, procedurat e shërbimit, mbrojtja dhe siguria e përfituesit, marrëdhënia me familjarët dhe të afërmit, procedura e ankimit, deklarata e konfidencialitetit, referimi në një shërbim tjetër apo përfundimi i shërbimit të ofruar.
3. Formulari përbledhës i ofruesit të shërbimit duhet të përcaktojë qartë se si ofrohen shërbimet drejtpërdrejtë prej tij ose nëpërmjet referimit në institucionet ose organizatat e tjera.
4. Të miturit e vendosur në shërbimi të specializuar duhet të konfirmojnë se janë njojur me formularin përbledhës të ofruesit të shërbimit dhe kanë marrë një kopje të tij.
5. I mituri në konflikt me ligjin, mbrojtësi dhe përfaqësuesi ligjor i tij duhet të nënshkruajnë deklaratën e pranimit, me qëllim garantimin e informimit të të miturit rrith shërbimit të specializuar që merr, si dhe mbi rregullat mbi funksionimin e shërbimit gjatë kohëzgjatjes së shërbimit të specializuar.
6. Formulari përbledhës i ofruesit të shërbimit të specializuar për të miturit në konflikt me ligjin rishikohet dhe përditësohet sa herë që ofruesi i shërbimit zgjeron aktivitetin e tij, me kushtin që të mos tejkalojë objektin e licensimit, në përputhje me përcaktimet e legjislacionit në fuqi.

Neni 7
Të drejtat dhe detyrat e të miturit në konflikt me ligjin

1. Ofruesit e shërbimit të specializuar për të miturit në konflikt me ligjin hartojnë dokumentacion të qartë të të drejtave të përfituesit të shërbimit të specializuar. Këto të drejta duhet të janë të shkruara në gjuhë të qartë e të lehtë për t'u kuptuar.
2. Të drejtat duhet të përfshijnë, por pa u kufizuar, të drejtën për t'u trajtuar në përputhje me interesin më të lartë të fëmijës, me respekt dhe dinjitet, të drejtën për t'u dëgjuar dhe shprehur mendimet, si dhe të drejtën për t'u ankuar pa patur frikën e pasojave negative.
3. Detyrat dhe përgjegjësitë e të miturit që është vendosur në shërbimin e specializuar duhet të janë të shkruara në një gjuhë të qartë e të lehtë për t'u kuptuar. Ato duhet të

snerbimit të specializuar.

4. Të gjithë dokumentet e mësipërme, përfshirë të drejtat e përsituesit, detyrat dhe përgjegjësitë e përsituesit, duhet të afishohen në mjediset e shërbimit të specializuar dhe që mund të shihen dhe lexohen lehtësisht nga përsituesit dhe personeli.

Neni 8

Përfshirja e të miturit në vendimmarrje

1. Ofruesit e shërbimit të specializuar për të miturit në konflikt me ligjin duhet ta përfshijnë atë në funksionimin e shërbimit dhe në vendimmarrjen që lidhet me jetën e përditshme.

2. I mituri nxitet të japë mendime për shërbimet dhe rregullat e vendosura, oraret, cilësinë e shërbimit, si dhe për elementë të tjera që lidhen me organizimin dhe funksionimin e shërbimit të ofruar.

Neni 9

Vlerësimi i nevojave për të miturit në konflikt me ligjin

1. Nevojat e të miturit në konflikt me ligjin që vendoset në shërbimin e specializuar vlerësohen nga një grup multidisiplinar që ngrihet nga ofruesi, të cilët punojnë së bashku për të trajtuar rastin në përputhje me moshën dhe nevojat, me qëllim hartimin e planit individual të mbikëqyrjes.

2. Për çdo përsitues të mitur caktohet një punonjës social, i cili menaxhon rastin. Menaxheri i rastit udhëheq procesin e vlerësimit të nevojave të përsituesit, hartimin e planit të mbikëqyrjes dhe zbatimin e tij. Ai takohet rregullisht me të miturin për të diskutuar progresin e përgjithshëm në arritjen e qëllimeve individuale dhe planit të mbikëqyrjes.

3. Vlerësimi i nevojave të të miturit përfshin:

- a) vlerësimin e nevojave shëndetësore;
- b) vlerësimin e nevojave psikologjike dhe psikosociale;
- c) vlerësimin e nevojave arsimore;
- ç) vlerësimin e nevojave profesionale;
- d) vlerësimin e nevojave të punësimit;
- dh) vlerësimin e nevojave të sigurisë;
- e) vlerësimin e nevojave të lidhjeve me familjen dhe komunitetin;
- ë) vlerësimin e nevojave të tjera sipas rastit specifik.

4. Procesi i vlerësimit të nevojave individuale për përsituesin e shërbimit të specializuar për të miturit në konflikt me ligjin duhet të përfundojë brenda 3 (tre) ditëve nga kontakti i parë me të miturin, sipas udhrit të ekzekutimit të masës së sigurimit për t'u vendosur në shërbimin e specializuar.

5. Pasi kryhet vlerësimi i nevojave, grupei multidisiplinar mblidhet nga menaxheri i rastit për të hartuar planin përkatës të mbikëqyrjes së të miturit sipas vlerësimit të kryer.

Neni 10

1.1.2. mbikëqyrje ne konflikt me ligjin

1. Shërbimet e specializuara ofrojnë trajtim, përkujdesje, udhëzime, këshillime, mbikëqyrje, mbështetje dhe rehabilitim për të miturin që dyshohet se ka kryer një vepër penale.
2. Bazuar në nevojat e evidentuara, programet për të miturin përfshijnë, por pa u kufizuar në:
 - a) ofrmin e aktivitetave edukative, sportive, rekreative dhe kulturore;
 - b) ofrmin e kujdesit psikologjik dhe psikosocial;
 - c) ofrmin e përkujdesjes shëndetësore bazë dhe, kur është rasti, referimin e të miturit në institucionet përgjegjëse për kujdesin shëndetësor;
 - ç) ofrmin e kujdesit shëndetësor të posaçëm në rastet e varësisë ndaj alkoolit apo lëndëve narkotike e psikotrope;
 - d) ofrmin e kujdesit të shëndetit mendor për të miturit që shfaqin çrregullime mendore;
 - dh) ofrmin e shërbimeve mbështetëse për të miturit e huaj apo pa shtetësi, si dhe të miturit që i përkasin pakicave kombëtare;
 - e) ofrmin e kujdesit shëndetësor të posaçëm për të miturit me aftësi të kufizuara;
 - ë) ofrmin e këshillimit dhe lehtësimin e ndjekjes së arsimit dhe arsimit profesional;
 - f) ofrmin e aktivitetave këshilluese në kuadër të rritjes së ndërgjegjësimit për respektimin e ligjit dhe të drejtave të tjerëve.

Neni 11 Plani individual i mbikëqyrjes për zbatimin e programeve

1. Plani i mbikëqyrjes përfshin masat afatmesme dhe afatgjata të nevojave të identifikuara për përfituesin e mitur në konflikt me ligjin.
2. Plani individual i mbikëqyrjes hartohet nga menaxheri i rastit pas marrjes së informacionit të detajuar nga grapi multidisiplinair mbi nevojat e të miturit.
3. Plani i mbikëqyrjes hartohet duke përshtatur masat me nevojat e të miturit, në përputhje me programin që ofron shërbimi i specializuar.
4. I mituri në konflikt me ligjin ndaj të cilin është vendosur masa e sigurimit përfshihet në procesin e hartimit të planit të mbikëqyrjes në përputhje me moshën, zhvillimin dhe aftësitë individuale. Për hartimin e planit, kur është rasti, merret edhe mendimi i prindërve apo kujdestarit.
5. Plani i mbikëqyrjes hartohet brenda 5 (pesë) ditëve nga dita e vendosjes së të miturit në konflikt me ligjin në shërbimin e specializuar.
6. Plani i mbikëqyrjes përditësohet e përshtatet nëse ndryshojnë nevojat dhe rrethanat në të cilat gjendjet i mituri.
7. Menaxheri i rastit dhe i mituri takohen periodikisht për të diskutuar progresin e bërë dhe për të rivlerësuar nevojat e të miturit.
8. Ofruesi i shërbimit, kur i kërkohet ose edhe kryesisht i vendos në dispozicion një kopje të planit individual të mbikëqyrjes prokurorisë dhe gjykatës që ka vendosur masën e sigurimit.

Monitorimi i shërbimit

1. Ofruesi i shërbimit të specializuar për të miturit në konflikt me ligjin raporton, çdo tre muaj, në lidhje me ofrimin e shërbimeve pranë prokurorisë dhe gjykatës që ka vendosur masën e sigurimit. Në çdo rast, ofruesi raporton sa herë që i kërkon nga prokuroria dhe gjykata që ka vendosur masën e sigurimit.

2. Ofruesit e shërbimit të specializuar paraqesin pranë ministrisë përgjegjëse për çështjes sociale dhe Shërbimit Social Shtetëror, çdo gjashtë muaj, të dhëna mbi zbatimin e masave të sigurimit për të miturit ndaj të cilëve është vendosura masa e sigurimit. Ministria përgjegjëse për çështjet sociale dhe Shërbimi Social Shtetëror monitorojnë përbushjen e kritereve dhe zbatimin e programeve për zbatimin e masës së sigurimit për të miturit në konflikt me ligjin.

3. Ofruesit e shërbimit të specializuar paraqesin gjithashtu pranë Ministrisë së Drejtësisë të dhëna periodike mbi të miturit ndaj të cilëve është vendosura masa e sigurimit, llojin e veprës penale për të cilën është vendosur masa e sigurimit dhe kohëzgjatjen e saj.

Neni 13

Mbikëqyrja pas përfundimit të shërbimit të specializuar

Ofruesit e shërbimit të specializuar për të miturit në konflikt me ligjin, kur është rasti, vlerësojnë mundësinë për të ndjekur të miturit në konflikt me ligjin edhe pas përfundimit të masës së sigurimit, nëse kjo është në interesin më të lartë të të miturit.

Neni 14

Vlerësimi i shërbimit të ofruar

1. Ofruesi i shërbimit të specializuar për të miturit në konflikt me ligjin i kërkon të miturit, mbrojtësit dhe përfaqësuesit ligjor të plotësojnë në mënyrë anonime formularin e vlerësimit të shërbimit.

2. Nëpërmjet formularit vlerësohen shërbimet e ofruara, në mënyrë që shërbimet të përmirësohen sipas nevojave.

3. Formulari plotësohet çdo tre muaj ose dhe më shpesh, në rastet kur janë ndërmarrë veprime për të trajtuar ankesat, opinionet dhe sugjerimet ndaj shërbimeve të ofruara.

4. Në momentin e përfundimit të shërbimit të specializuar, i mituri plotëson formularin e vlerësimit përfundimtar.

Neni 15

Ankimi mbi cilësinë e shërbimit të specializuar

1. Ofruesi i shërbimit të specializuar për të miturit në konflikt me ligjin miraton dhe zbaton procedura të qarta dhe të thjeshta për trajtimin e ankesave. Këto procedura duhet të shpjegojnë mënyrat e ndryshme të ankimit të mund të përdoren nga përfituesi.

te ofruesit te snerdimit rreth çao aspekti te cilësisë së ofrimit te shërbimit te specializuar si dhe pranë ministrisë përgjegjëse për çështjet sociale.

3. Ofruesit i shërbimit te specializuar për te miturit në konflikt me ligjin mban një regjistër ankesash. Në këtë regjistër përfshihet personi përgjegjës për trajtimin e ankesës, rezultatet nga hetimi i ankesës, mënyra e trajtimit te ankesës dhe dokumentacioni i mbi përgjigjen apo veprimet e kryera.

4. Çdo anëtar i personelit te ofruesit te shërbimit te specializuar për te miturit në konflikt me ligjin që merr një ankesë verbale nga një përsitues, duhet ta regjistrojë këtë ankesë në regjistrin e ankesave, së bashku me datën e ankesës, dhe të dokumentojë mënyrën se si është trajtuar anesa.

5. Të gjitha ankesat duhet te marrin përgjigje me shkrim dhe një kopje e përgjigjes me shkrim përfshihet në regjistrin e ankesave.

6. Ankimet që lidhen me të drejtat procedurale te të miturit, bëhen pranë prokurorisë ose gjykatës që ka dhënë masën e sigurimit nga mbrojtësi ose përfaqësuesi ligjor i të miturit.

Neni 16

Bashkëpunimi me struktura dhe shërbime të tjera të specializuara për te miturit

1. Ofruesit e shërbimit te specializuar për te miturin në konflikt me ligjin bashkëpunojnë me strukturat dhe shërbimet e tjera, duke siguruar ndjekjen dhe ecurinë e plotësimin e nevojave dhe rikthimin e tij në shoqëri.

2. Ofruesit e shërbimit te specializuar për te miturit në konflikt me ligjin zhvillojnë marrëdhënie bashkëpunimi me institucione dhe organizata të tjera, me qëllim ofrimin e shërbimeve të posaçme, si klinika mjekësore apo spitale, institucione arsimore dhe institucione të tjera sipas shërbimit te ofruar, për te realizuar një ose disa shërbime te caktuara.

Neni 17

Ndërprerja e ofrimit te shërbimit

Në rastet kur ofruesi i shërbimit te specializuar për te miturit në konflikt me ligjin nuk është më i aftë te vijojë veprimtarinë, drejtuesi njofton menjëherë prokurorinë dhe gjykatën që ka vendosur masën e sigurimit, si dhe ministrinë përgjegjëse për çështjet sociale me qëllim përditësimin e listës së ofruesve te shërbimeve te specializuara.

KREU IV

ADMINISTRIMI I TE DHËNAVE PERSONALE TE TE MITURIT PËRFITUES

Neni 18

Administrimi i te dhënavë

krijon dhe administron një dosje individuale.

2. Dokumentacioni mbahet në vend të sigurte. Ofruesi i shërbimit është i detyruar të sigurojë që dosjet e printuara dhe dosjet elektronike me të dhëna të ruhen të sigurta. Dosjet e printuara, ruhen në rafte të mbyllura me çelës në një dhomë që është e kyçur ndërsa dosjet elektronike ruhen me fjalëkalim.

3. Dokumentacioni mund të aksesohet vetëm nga prokurori, gjyqtari, menaxheri i rastit, dhe drejtuesi i ofruesit të shërbimit, vetëm për qëllime në interes të të miturit, si dhe nga mbrojtësi dhe përfaqësuesi ligjor i të miturit.

4. Ofruesi i shërbimit të specializuar të të miturit në konflikt me ligjin vendosë kufizime të personave që mund të vizitojnë mjediset e shërbimit, veprimet e lejuara për vizitorët dhe frekuencë e vizitorëve. Rregullat për vizitat duhet të jenë të shkruara dhe të jenë afishohen në vende të dukshme.

Neni 19

Përpunimi i të dhënave dhe ruajtja e konfidencialitetit

1. Administrimi i dokumentacionit bëhet në përputhje me legjislacionin në fuqi për mbrojtjen e të dhënave personale. Të dhënata e dokumentacionit të të miturit në konflikt me ligjin janë konfidenciale.

2. Personeli i shërbimit të specializuar për të miturit që vihet në dijeni me të dhënata e përpunuara gjatë ushtrimit të funksioneve të tyre, detyrohet të ruajë konfidencialitetin dhe besueshëmërini edhe pas përfundimit të funksionit.

KREU V

RREGULLAT PËR FINANCIMIN E PROGRAMeve TË SHËRBIMEVE TË SPECIALIZUARA

Neni 20

Financimi i programve

1. Ofruesi i shërbimit të specializuar për të miturit në konflikt me ligjin duhet të ketë burime të mjaftueshme për të realizuar programet e planifikuara në mënyrë cilësore.

2. Ofruesit e shërbimeve të specializuara, sipas mënyrës së financimit, klasifikohen në shërbime publike dhe jopublike.

3. Programet që ofrohen nga personat juridik publikë që ofrojnë shërbimet e specializuara për të miturit në konflikt me ligjin financohen, në përputhje me parashikmet e legjislacionit në fuqi për shërbimet e kujdësit shoqëror, nga;

- a) fondet e deleguara nga buxheti i shtetit, përfshirë fondin social;
- b) fondet nga buxhetet e njësive të qeverisjes vendore;
- c) të ardhura të tjera të ligjshme.

4. Programet që ofrohen nga personat juridik privatë të licencuar që ofrojnë shërbimet e specializuara për të miturit në konflikt me ligjin mund të financohen sipas shkronjës “a”

snoqeror, sipas legjislacionit ne tuqi per prokurimin publik.

KREU VI DISPOZITA TË FUNDIT

Neni 21
Institucionet e ngarkuara

Ngarkohen insitucionet e njësive të vetëqeverisjes vendore, subjektet e licencuara për ofrimin e shërbimeve të specializuara, ministria përgjegjësie për çështjet sociale dhe Ministria e Drejtësisë për zbatimin e këtij vendimi.

Neni 22
Hyrja në fuqi

Ky vendim hyn në fuqi pas botimit në Fletoren Zyrtare dhe i fillon efektet nga data 1 janar 2024.

KRYEMINISTRI

EDI RAMA